


晏子春秋音義





義音秋春子晏

撰衍星孫

王雲五主編

叢書集成初編

晏子春秋音義

中華民國二十六年六月初版

撰者 孫 星 衍

發行人 王 雲 五
上海河南路

印刷所 商務印書館
上海河南路

發行所 商務印書館
上海及各埠

九九五

大

晏子春秋音義卷上

清 孫星衍撰

內篇諫上第一

護左都水光祿大夫臣向。漢書楚元王傳。向字子政。成帝卽位。召拜爲中郎使領護三輔都水。遷光祿大夫。蘇林注。三輔多溉灌渠。悉主之。故言都水百官公卿表。大夫掌論議。有中大夫。太初元年。更名光祿大夫。秩比二千石。

中書。漢書楚元王傳。詔向領校中五經祕書。顏師古注。言中者。以別於外。唐六典。劉向。楊雄。典校皆在禁中。謂之中書。猶今言內庫書也。

長社尉臣參。列子別錄亦有參名。

校讎。爾雅釋詁。讎。匹也。匹。合也。

太史書。史記集解引如淳曰。漢儀注。天下計書。先上太史。副上丞相。序事如古春秋。復重。復讀復。

定著。著从竹。隸書竹通艸。

八篇。藝文志儒家晏子八篇。蓋內篇六。諫上。諫下。問上。問下。雜上。雜下。外篇二。俗本始刪并爲一也。

以天爲芳。又爲備。先爲牛。章爲長。天芳。先牛。形相近。又備。章長。聲相近。又讀異。或云。當爲又。章疑卽問。下其電久乎。電字也。當爲長久。

略櫚。列子別錄作棧。殷敬順音剪。謂蟲斷滅也。略七略作刻。又一作櫚。皆同剪字。星衍謂殷說非也。櫚卽箋異文。說文。箋。表識書也。玉篇。稟。子田切。古文棧字。

殺青。殷敬順列子音義謂汗簡刮去青皮也。

萊者。今東萊地也。史記集解引劉向別錄。正有此語。明人或題爲晏子序。或題表者。妄也。冒。當爲冒。若句隸加。凡此皆唐宋人寫書之誤。

懸而至。懸當爲縣。俗加心。漢書高紀。縣隔千里。縣至。言遠而而切至。

苴布。詩傳。苴麻子也。高誘注。呂氏春秋。苴。草蒯也。苴音同鮮。

晏子蓋短。晏子長不滿六尺。故云短。明本注云。疑缺。非也。

復列以爲一篇。謂外篇第七也。俗本或以此附內篇。變亂向篇第。明人之妄如是。

復以爲一篇。謂外篇第八也。俗本以爲第七。

凡八篇。史記正義引七略云。晏子春秋七篇。在儒家者是。時卽以外篇第七八合爲一耳。隋。唐志七卷。卽以篇爲卷也。玉海引崇文總目十二卷。或以爲後人采嬰行事爲書。故卷頗多於前志。文獻通考亦十二卷。蓋宋時分析其篇上下各爲卷。二或四字之誤。卽七略之七篇也。若因卷頗多於前志。疑後人

采嬰行事爲書。則宋人不精核此書之故矣。晁公武從柳宗元之言。改入墨家。亦其妄也。

御觀。蔡邕獨斷。御者進也。詩箋。御侍也。

謹第錄。第卽弟字。俗从竹。說文。弟。韋束之次弟也。

昧死。獨斷。漢承秦法。上書皆言昧死。

上。殷敬順列子音義。上。時掌反。此唐人之音。以別于上下。實不足律古人也。荀子別錄作上言。明吳懷保本改。此文如八篇作四篇。上。改上聞。及增斯書也之類。太謬。不足駁之。

行義。一本作仁義。

勇力之士。太平御覽作尙勇力之士。下文同。

逼。說文無逼偏字。

誅暴。暴當爲暴。隸省。

仁義之理。韓非解老篇。理者成物之文也。說文。𦣻。微畫也。文。錯畫也。理蓋𦣻假音。

替。爾雅釋言。替。廢也。

推移。墨子明鬼篇作推哆。韓非說疑篇云。桀有侯侈。古今人表作雅移。侯推雅聲俱相近。哆侈移皆以

多爲聲。

大戲。墨子明鬼篇。桀有勇力之人推哆。大戲。主別。御覽引作。兕虎。指畫殺人。又云。湯乎。同呼。禽推移。大

戲呂氏春秋簡選篇湯以戊子戰於郟遂禽推移大轅高誘注桀多力能推大轅因爲號而禽克之不
知是臣名謬也

費仲名仲滴蜚廉父說紂誅西伯昌見韓非子外儲說

惡來蜚廉子

崇尚勇力太平御覽作專行威力凡語助小異及改音者不著

以衰戲來里力罪理滅衰爲韻虎下爲韻周秦之語多相協以輕重開合緩急讀之

行本太平御覽作行流古汙字似本

而循太平御覽作修

未聞太平御覽作未嘗聞

蹇然莊子大宗師孔子蹇然陸德明音義子六反崔云變色貌

其長讀令長之長

故日本多作曰非

張本多作強通下文或作強皆寫者亂之

故詩曰人而無禮胡不遄死國風相鼠之詩

涵說文沈于酒也周書曰罔敢涵于酒玉篇亡亮切

抑手。說文。𠂔。按也。俗作抑。

嚮。當爲嚮。說文。不久也。玉篇。許兩切。向乃曰之誤在下耳。

觴三行。遂罷酒。春秋左傳。臣侍君宴。過三爵。非禮也。

修禮。一本作理。非。

醒。詩傳。病酒曰醒。說文。一曰醉而覺也。玉篇。作醉未覺。

誅。鄭氏注。周禮。誅責讓也。

服之。詩傳。服思之也。

怨乎內。一本怨作怒。非。

弦章。韓非外儲說有弦商。章商聲相近。一人也。事桓公。

霖雨十日。爾雅釋天。淫謂之霖。左傳。凡雨自三日已往爲霖。

柏遽。姓柏名遽。

任器。任用之器。可以負載。

陌。當爲伯。管子。漢書只作仞陌。玉篇。南北曰阡。東西曰陌。

懷寶鄉有數十。言富家也。

飢。一本作饑。說文。飢。餓也。穀不孰爲饑。

糠。當爲糠。

敝撤。卽敝壁假音字。說文壁。人不能行。玉篇。壁。旋行貌。撤又徹俗字。

卹。說文。卹。憂也。一本作恤。

壓。當爲厭。玉篇。壓。飽也。於豔切。

奉數之策。左傳。策名委質。服虔注。古者始仕。必先書名於策。奉數之。策謂持策以待書事也。策當爲策。

隸書多以束爲夾。

兼于塗。言兼程以進。塗當爲涂。

逮。爾雅釋言。逮。及也。

趣。詩傳。趣。趨也。

康內。爾雅釋宮。五達謂之康。

倍棄。倍讀如負。

于途。一本作塗。涂途古字。塗俗字。

命稟。言給之稟也。下云柏。則此或臣名。

絕本之家。言并無布縷。

薪糠。御雨之具。

令柏。卽柏據。

畢後者若不用令之罪。畢後謂後葬也。旣予之金。將責其緩葬之罪。

撤。當爲徹。

飭。說文。饗鬻也。或作飭。玉篇。飭。記言切。

辟拂。詩傳。弗去也。拂與弗同。言屏去之。

嚙齋。說文。嚙。口有所銜也。嚙。嘗也。齋與嚙同。言減去口味。揚子法言問神篇。狄牙能喊狄牙不能齋不

齊之口喊亦嚙俗字。

用金三千。一本脫用字。非。言富民出金也。

思虞。虞同娛。

辟拂三千。言屏去之。

謝于下陳。爾雅釋宮。堂途謂之陳。言所退歌舞思虞之人。謝于堂下而去。

杜局。杜姓。局名。

望羊。猶仿佯也。史記孔子世家。眼如望羊。集解王肅曰。望羊。望羊視也。

梁丘據。姓梁丘。名據。字子猶。

宗祝。官名。

拘虞。文選注作虞公善歌以新聲感景公晏子退朝而拘之。

無與與讀如豫。

夫樂何必夫故哉。今本作何夫必攻哉。據下文君奚輕變夫故哉訂正。言故以別于新音也。

有歌疑有脫文。文選注引此書桀作東歌南音當在此。

北里歌名。

幽厲周二王。

顧夫淫以鄙里鄙爲韻。謂二王所作之音。

職計官名爾雅釋詁職主也。

莫之從。沈啓南本注云一作職計算之。并下士師亦同。

和集滅集爲韻。

惡之樂惡爲韻。

繁當爲緜。

社稷滅稷爲韻。

說頌也。說今本作悅。非。本書多作說。據以訂正。頌即容本字。說頌猶言容悅也。或言誦說。

而愈黥民耳矣。說文：黥，墨在面也。言不爲樂，僅愈罪人。猶二世云：監門之養，墨者守門。蓋古有是語。

本作黔。

濃。一本作法。古今字。

並荷。荷，讀如苛。經典多以荷爲苛。

退之。得失爲韻，進退爲韻。

韓子休。姓韓，名子休。

夫子休國焉而往。言棄國而去。

翟王子羨。翟王之子名羨。

重駕。駕十六馬。

嬖人嬰子。景公妾。

衛士東野。衛國之士姓東野。荀子哀公篇：定公問於顏淵曰：東野子之善馭乎？又曰：東野畢之馬失，未

知卽其人否？

狹。當爲陝。說文：陝也。玉篇：陝或作狹。

載驂載駟。君子所誠。小雅采芣之詩：誠作屆。箋：極也。按當从此。說文：誠，敕也。

夫駕八固非制也。書正義：春秋公羊說：天子駕六。毛詩說：天子至大夫皆駕四。

詩曰。大雅瞻仰之詩。

景公有男子五人。公子嘉、公子駒、公子黔、公子鉏、公子陽生。時茶尙未生。百乘。馬四百匹。

將以而所傳爲子。言以所傳之善者爲世子也。

離樹別黨。已樹太子而離間之。又別立黨。

淳于。括地志。淳于國在密州安丘縣東北二十里。

納女于景公。左傳。鬻婁之子荼嬖。服虔注。鬻婁。景公妾。淳于人所納。蓋本此。蠶棟云。未詳所出。誤。史記齊世家。

景公寵妾芮姬生子荼。荼少。其母賤。立爲晏孺子。

生孺子荼。公羊傳作舍音相近。左傳云。安孺子。史記作晏。

夫陽生生而長。今本脫一生字。以意增陽生。悼公也。

而有患乎。言陽生雖爲君。荼亦得享聲色而無患也。

田氏。陳乞陳常也。田陳聲相近。經典通用。乞弑荼。常弑簡公者。陽生則鮑牧所弑。以爲田氏者。乞使之。

簡公。名壬。悼公子。

景公疥。說文。疥。搔也。顏之推家訓以爲疥字。

會譴。姓會名譴。

病病矣。說文病疾加也。高誘注呂氏春秋病困也。

史固。周禮史以書敘穆蓋小史也。名固。

祝佗。祝官名佗。

若以爲有益。上疑脫晏子曰三字。

遠拂。詩傳佛輔也。拂與佛同。

嘿。當爲默。

瘖。說文瘖不能言也。玉篇於深切。

聊攝。杜預注左傳聊攝齊西界也。平原聊城縣有攝城。

姑尤。杜預注左傳姑尤齊西界也。姑水尤水皆在城陽郡東南入海。

刑無罪。一本刑作則非。

解余。一本作予。

病悛。說文悛止也。玉篇且泉切。

邑狐。一本作孤地。未詳。吾友洪亮吉曰狐貍近是。

與穀。左傳昭十一年申無字曰齊桓公城穀而置管仲焉。杜預釋例濟北穀城中有管仲井。

州款。地名未詳。

其宗廟之養鮮也。言非宗廟常禮。故以爲惡。左傳鳥獸之肉不登于俎。

景公遊于麥丘。韓詩外傳作桓公逐白鹿至麥丘之邦。新序雜事篇作桓公田至麥丘。八十五矣。韓詩外傳新序五作三。

長于胡。詩胡考之寧傳。胡壽也。諡法解。彌年壽考曰胡。保民耆艾曰胡。

國家。胡家爲韻。

之年。嗣年爲韻。

楚巫微。楚之巫名微。

導裔款。導引之。姓裔名款。

神明之主。今本作明神主之。据下文訂正。

大濟。爾雅釋言濟益也。

明神。太平御覽作神明。

五帝。五方之帝。

牛山。水經注。淄水自山東北流逕牛山西。又逕臨淄縣故城南。元和郡縣志。牛山在臨淄縣南二十五

請齋。太平御覽下有具字。

不知。知讀如智。

以易。見輕易也。

逾時。一本作岢。古今字。

飢。今本作饑。据藝文類聚訂正。

廣水。藝文類聚作澤。

少賦斂。言少賦民。以爲祭山之費。

以祠。初學記。太平御覽作祀。

固。初學記作故。

爲髮。藝文類聚。太平御覽作毛髮。非。

天久。初學記。太平御覽作苟。

之無。藝文類聚。太平御覽作何。

鰲。說苑作鼈。是俗从魚。

暴露。說文。暴。晞也。从日出升米。玉篇。步卜切。又蒲報切。

其幸而雨。初學記。太平御覽作其當雨。

種時。時讀如時。說文更別種。說苑作樹。

其維有德。說苑辨物篇用此文。

溜上。溜當爲留。地里志。泰山萊蕪。留水所出。東至博昌入沂。幽州滹括地志。淄州縣東北七十里原山。溜水所出。俗傳云。禹理水功畢。土石黑數里之中。波若漆。故謂之溜水也。

贊惠。一本作德。

不怨。存安爲韻。德疾怨爲韻。怨急讀得之。

豎刁。內豎名刁也。左傳云。寺人貂刁當爲刀。見玉篇。

胡宮。史記正義引顏師古云。身死乎壽宮。胡之言胡壽。蓋一宮二名。

蟲出而不收。管子小稱篇。堂巫易牙豎刁公子開方四子作難。圍公一室。不得出。乃援素幘以裹首而

絕。死十一日。蟲出戶。乃知桓公之死也。葬以楊門之扇。史記齊世家。桓公尸在牀六十日。尸蟲出于戶。

不能惡焉。不能更惡於此也。

詩曰。大雅蕩之詩。

避熱。太平御覽下有亦難乎。

革。倉頡篇。革。戒也。說文。諱。更也。革省文。

牛山。文選。主作牛首山。舌也。志。晉桓公薨。生臨淄縣南二十里。牛山上。亦名鼎足山。一名牛首岡。